

De iaou veun lo non Vatican ?

Eun cou lo Vatican l'ïye lo non d'eun di tsantì de Roma, que l'ïye di coutì dret di *Tevere*, fran eun fase di Tsan de Mars é a drèite di *Gianicolo*.

L'ïye eun poste mâsàn é umido, iaou l'ayè bièn de vâco, que servichavoun djeusto pe alé eun tsan.

Tchica de ten aprì, *Agrippina* l'a fé bounifié eun grou bocón ba i fon de salla couta é pi taa l'ampéreur Nérón l'a fé féye eun pitchou sirque privó ; fran seu son itó tchoué le premì martire critchèn (euntre leue euncó l'apotre Pière que l'è itó euntéro fran lé).

Dèi adón si tsantì l'è vegnà eun semeteurio, tan pe le payèn que pe le critchèn, tanque can l'ampéreur Costanteun, deun le-z-àn que van di 326 i 333 aprì Jezù Cri, l'a fé eumplan-ì lo sondzón pe féye bâti la premiye bazeleucca dédiaye a Sen Pière.

L'è maque dèi l'an 1870 que lo Vatican l'è la rezidanse di sen Pée : i Moayèn Adzo llou itèe i Palé di Latrà, é pi tâ l'è tramou-se dedeun d'atre eumpourtante bâtise de Roma, comme lo *Quirinale*, iaou i dzoo de voueu lèi reste lo prézidàn de la répoleucca italienna.



lo gnalèi



Région Autonome
Vallée d'Aoste
Regione Autonoma
Valle d'Aosta

Assessorat de l'Éducation
et de la Culture
Assessorato Istruzione
e Cultura

Tiré de :

www.focus.it, juin 2002

Texte publié en 2008 sur « Liaison » - Bibliothèque de Charvensod

Collaborateur de Charvensod pour la traduction : Nicole Bollon

La transcription a été soignée par le Guichet Linguistique

Mise à jour de la graphie : octobre 2013